



INTI PATI HASIL KAJIAN PENGESANAN GRADUAN 2016

1.1 Profil Graduan 2016

- 1.1.1 Pada tahun 2016 sebanyak 401 IPT telah menyertai Kajian Pengesanan Graduan KPT dengan bilangan graduan yang dikeluarkan adalah seramai 283,627 orang. Universiti awam mengeluarkan seramai 124,223 graduan, diikuti IPTS seramai 122,959 graduan, politeknik (26,905 graduan), kolej komuniti (7,574 graduan) dan IPT lain seramai 1,966 graduan.
- 1.1.2 Peringkat ijazah pertama merupakan keluaran graduan tertinggi pada tahun 2016, iaitu sebanyak 49.2 peratus, diikuti keluaran peringkat diploma (37.3 peratus), peringkat sarjana (7.8 peratus), peringkat sijil (3.6 peratus), peringkat Ph.D (1.5 peratus) dan peringkat lain sebanyak 0.6 peratus.
- 1.1.3 Sebahagian besar graduan 2016 adalah dalam bidang sastera dan sains sosial, iaitu sebanyak 47.5 peratus, diikuti bidang teknik (21.1 peratus), bidang sains (13.2 peratus), bidang pendidikan (9.5 peratus) dan bidang teknologi maklumat dan komunikasi sebanyak 8.7 peratus.
- 1.1.4 Peratus graduan lelaki melebihi graduan perempuan bagi dua bidang pengajian utama, iaitu dalam bidang teknik dan dalam bidang teknologi maklumat dan komunikasi iaitu masing-masing sebanyak 67.8 peratus dan 56.5 peratus.
- 1.1.5 Graduan antarabangsa mewakili 5.1 peratus (14,555 orang) dari keseluruhan graduan tahun 2016. Universiti awam mengeluarkan seramai 5,485 graduan antarabangsa dan sebahagian besarnya di peringkat sarjana (43.2 peratus), diikuti peringkat Ph.D (35.3 peratus) dan 20.0 peratus peringkat ijazah pertama. Manakala daripada 9,069 graduan antarabangsa IPTS, 63.7 peratus merupakan graduan peringkat ijazah pertama, diikuti peringkat sarjana (22.8 peratus) dan peringkat diploma sebanyak 9.4 peratus.

1.2 Status Pekerjaan Graduan (Warganegara) 2016

- 1.2.1 Sebanyak 56.5 peratus graduan yang berkonvokesyen pada tahun 2016 menyatakan mereka telah bekerja, diikuti 14.5 peratus sedang melanjutkan pengajian, menunggu penempatan pekerjaan (4.0 peratus) dan 2.3 peratus sedang meningkatkan kemahiran. Manakala terdapat 22.7 peratus graduan yang belum bekerja.
- 1.2.2 Graduan kolej komuniti mencatatkan kadar bekerja paling tinggi, iaitu sebanyak 76.7 peratus, diikuti oleh graduan politeknik (71.2 peratus), universiti awam (57.7 peratus), IPTS (49.9 peratus) dan IPT lain sebanyak 48.8 peratus.
- 1.2.3 Mengikut peringkat pengajian, peratus tertinggi yang bekerja adalah dalam kalangan graduan peringkat diploma lanjutan, iaitu 89.6 peratus, diikuti graduan peringkat diploma lepasan ijazah sebanyak 85.9 peratus, graduan peringkat Ph.D (79.5 peratus) dan peringkat sarjana (76.1 peratus).

1.3 Maklumat Pekerjaan Graduan 2014

- 1.3.1 Sebahagian besar, iaitu 56.4 peratus graduan yang bekerja menyatakan pekerjaan mereka bertaraf tetap, diikuti taraf kontrak (18.7 peratus) dan sementara (18.1 peratus). Selebihnya bekerja sendiri dan bekerja dengan keluarga, iaitu masing-masing 3.7 peratus dan 3.0 peratus.
- 1.3.2 Sebanyak 43.0 peratus graduan 2016 bekerja dalam kumpulan profesional, diikuti kumpulan pekerja sokongan perkeranian (16.6 peratus), pekerja perkhidmatan dan jualan (15.4 peratus) dan kumpulan juruteknik dan profesional bersekutu sebanyak 8.3 peratus.

- 1.3.3 Sektor swasta merupakan pembekal utama pekerjaan kepada graduan 2016, iaitu sebanyak 63.0 peratus, dengan swasta tempatan membekalkan sebanyak 45.7 peratus dan swasta multinasional sebanyak 17.3 peratus. Sektor kerajaan merupakan pembekal kedua terbesar iaitu sebanyak 20.1 peratus.
- 1.3.4 Pendapatan bulanan graduan 2016 mengikut peringkat pengajian menunjukkan graduan peringkat Ph.D mencatat peratus tertinggi (63.3 peratus) dalam kumpulan pendapatan RM5001 dan ke atas. Bagi graduan sarjana, kelompok terbesar adalah dalam kumpulan RM3001 – RM5000, iaitu 35.0 peratus. Peringkat ijazah pertama pula menunjukkan peratus tertinggi dalam kumpulan pendapatan RM2001 – RM3000, iaitu 36.0 peratus dan bagi peringkat diploma, kumpulan terbesar, iaitu sebanyak 59.4 peratus berada dalam kumpulan pendapatan RM1001 – RM2000.

1.4 Graduan 2016 yang Melanjutkan Pengajian

- 1.4.1 Sebanyak 18.1 peratus graduan 2016 melanjutkan pengajian sejurus saja tamat pengajian, majoritinya melanjutkan pengajian ke satu tahap yang lebih tinggi dari sebelumnya. Bagi graduan sarjana, sebanyak 83.6 peratus melanjutkan pengajian ke peringkat Ph.D. Sebahagian besar graduan ijazah pertama pula, iaitu 70.7 peratus melanjutkan pengajian ke peringkat sarjana dan sebanyak 87.4 graduan diploma melanjutkan pengajian ke peringkat ijazah pertama. Manakala sebanyak 76.1 peratus graduan sijil melanjutkan pengajian ke peringkat diploma.
- 1.4.2 Majoriti (93.6 peratus) graduan UA melanjutkan pengajian semula ke UA, 72.3 peratus graduan IPTS melanjutkan pengajian ke IPTS manakala 74.1 peratus graduan politeknik pula memilih UA sebagai destinasi untuk melanjutkan pengajian.
- 1.4.3 Sebahagian besar, iaitu 84.3 peratus graduan 2016 menyatakan mereka melanjutkan pengajian dalam bidang yang sama atau berkaitan dengan bidang pengajian sebelumnya.
- 1.4.4 Dalam kalangan graduan 2016 yang melanjutkan pengajian, 34.8 peratus adalah untuk meningkatkan tahap kelayakan akademik, diikuti minat yang mendalam bagi mencari ilmu (19.1 peratus), prospek kerjaya yang lebih baik (17.9 peratus), dan sebanyak 17.0 peratus bertujuan meningkatkan peluang mendapat pekerjaan.

1.5 Maklumat Graduan 2016 (Warganegara) yang Belum Bekerja

- 1.5.1 Sebanyak 72.9 peratus daripada graduan yang belum bekerja memberi alasan mereka sedang mencari pekerjaan, 7.2 peratus graduan memilih untuk berehat setelah tamat pengajian dan 5.4 peratus pula kerana memikul tanggungjawab terhadap keluarga. Selebihnya sedang menunggu penempatan bagi melanjutkan pengajian (4.3 peratus), kerja yang ditawarkan tidak sesuai (2.7 peratus) dan memilih untuk tidak bekerja sebanyak 2.5 peratus.
- 1.5.2 Kadar belum bekerja mengikut bidang pengajian utama menunjukkan, graduan bidang sains mencatat peratus tertinggi, iaitu 27.8 peratus, diikuti bidang sastera dan sains sosial (24.8 peratus), bidang teknologi maklumat dan komunikasi (21.5 peratus), bidang teknik (19.7 peratus) dan bidang pendidikan sebanyak 12.4 peratus.

1.6 Graduan 2016 yang Bekerja Sendiri

- 1.6.1 Sebanyak 3.7 peratus daripada graduan 2016 yang bekerja menyatakan mereka bekerja sendiri. Mengikut IPT, graduan kolej komuniti mencatat kadar bekerja sendiri yang tertinggi, iaitu 11.8 peratus, diikuti graduan politeknik sebanyak 5.2 peratus, graduan IPT lain (5.0 peratus), graduan UA dan IPTS, masing-masing sebanyak 3.1 peratus.
- 1.6.2 Empat jenis perniagaan utama yang diceburi oleh graduan yang bekerja sendiri ialah peniagaan atas talian (e-business/online), iaitu sebanyak 15.4 peratus, 9.0 peratus perniagaan restoran/warung, proses & pembuatan makanan dan pendidikan, masing-masing sebanyak 6.6 peratus.
- 1.6.3 Sebahagian besar graduan yang bekerja sendiri memperoleh pendapatan bulanan RM1000 dan ke bawah, iaitu 53.1 peratus. Sebanyak 3.8 peratus graduan menceburi bidang perundingan dan 27.5 peratus daripada mereka memperoleh pendapatan bulanan RM3001 dan ke atas.

1.7 Graduan OKU 2016; Keluaran dan Maklumat Pekerjaan

- 1.7.1 Seramai 669 graduan berstatus Orang Kurang Upaya (OKU) telah dikeluarkan oleh IPT pada tahun 2016. Daripada jumlah tersebut, keluaran universiti awam adalah sebanyak 35.7 peratus, diikuti IPTS (31.2 peratus) dan politeknik sebanyak 20.3 peratus.
- 1.7.2 Tiga peringkat pengajian tertinggi graduan OKU ialah peringkat ijazah pertama, iaitu 33.2 peratus, diikuti peringkat diploma (28.0 peratus) dan peringkat sijil sebanyak 27.5 peratus. Graduan OKU peringkat sarjana dan Ph.D masing-masing ialah 9.6 peratus dan 1.0 peratus.
- 1.7.3 Sebanyak 38.9 peratus graduan OKU mengalami kecacatan anggota fizikal, diikuti 24.9 peratus cacat pendengaran dan 17.4 peratus cacat penglihatan.
- 1.7.4 Dalam kalangan graduan OKU tersebut, sebanyak 56.1 peratus telah bekerja semasa menghadiri konvokesyen masing-masing. Terdapat 12.6 peratus graduan OKU yang melanjutkan pengajian dan sebanyak 27.2 peratus masih belum bekerja.
- 1.7.5 Sektor swasta merupakan pembekal utama pekerjaan kepada graduan OKU, iaitu sebanyak 57.9 peratus, dengan sektor swasta tempatan adalah 45.1 peratus manakala swasta multinasional sebanyak 12.8 peratus. Sebanyak 20.9 peratus graduan OKU bekerja dalam sektor kerajaan dan 13.9 peratus dalam perusahaan sendiri.
- 1.7.6 Secara keseluruhannya, peratus tertinggi pendapatan bulanan graduan OKU adalah dalam kohort RM1000 dan ke bawah, iaitu sebanyak 41.9 peratus.

1.8 Graduan Orang Asli 2016; Keluaran dan Maklumat Pekerjaan

- 1.8.1 Pada tahun 2016, seramai 142 graduan adalah berketurunan Orang Asli, dengan seramai 82 orang dari UA, diikuti IPTS seramai 32 orang, kolej komuniti (16 orang) dan politeknik (12 orang). Dua kumpulan terbesar graduan Orang Asli 2016 adalah di peringkat diploma, iaitu seramai 63 orang dan peringkat ijazah pertama seramai 59 orang. Manakala peringkat sijil adalah seramai 17 orang dan peringkat sarjana seramai 3 orang.

- 1.8.2 Sebanyak 51.6 peratus graduan Orang Asli telah bekerja dan 30.6 peratus belum bekerja semasa kajian dijalankan. Selebihnya, iaitu 14.5 peratus sedang melanjutkan pengajian dan 3.2 peratus sedang menunggu penempatan pekerjaan.
- 1.8.3 Dalam kalangan graduan keturunan Orang Asli yang bekerja, sebanyak 37.3 peratus bekerja dalam sektor kerajaan, diikuti sektor swasta tempatan sebanyak 33.9 peratus dan sektor swasta multinasional sebanyak 13.6 peratus.
- 1.8.4 Tiga kumpulan terbesar pendapatan bulanan Orang Asli adalah dalam kumpulan RM1001 – RM2000 (39.1 peratus), diikuti 28.1 peratus dalam kumpulan pendapatan RM1000 dan ke bawah dan 17.2 peratus berpendapatan dalam kumpulan RM3001 – RM5000.